


Covid-19a dela eta, euskal kultura-sektorerako intereseko neurri eta laguntzen gida

Kultura eta Hizkuntza
Politika Saila



Informazioa aldatu daiteke; **2020/04/20an** eguneratu da
Egiatzatu eguneratzeak hemen:
<http://www.kulturklik.euskadi.eus/aholkularitza/>

Euskadi, bien común

EUSKO JAURLARITZA



GOBIERNO VASCO

Sarrera

Gida hau Eusko Jaurlaritzaren Kultura eta Hizkuntza Politika Sailak **kulturaren sektoreko profesionalei** eskaintzen dien **ezohiko aholkularitza-zerbitzuaren** barruan sartzen da.

Zer aurkituko duzue gidan?

Alarma-egoera ezarri zenetik, administrazio publikoek laguntza-lerro ugari abiarazi ditugu, enpresei eta profesionalei, oro har, zuzendutakoak gehienak.

Gida honen helburua da **gure ekosisteman aplikagarritasun handiagoa eta interes handiagoa izan dezaketen neurri eta laguntza** orokor nahiz espezifikoei buruzko informazioa modu ulergarrian, erabilgarrian eta egoki antolatuta eskaintzea. **Beraz, gida bizia da honako hau.**

Gainera, **Kulturklik** plataforma digitalean beste hauek ere aurkituko dituzu:

- **Arreta Pertsonalizatua emateko Zerbitzu Telematikoa**, [ipini esteka] lanarekin, zergekin, finantzekin... lotutako kontsultak eta zalantzak doan argitzeko. Saileko teknikariek eta lantalde espezializatu batek orientazioa eman eta erantzunago dizue posta elektronikoaren edo telefonoaren bitartez, gehienez 48 orduren buruan.

Egoera hau berria eta konplexua da guztiontzat. Bereziki, kulturari dagokionez. Sortzen diren premiei aurre egiteko konpromisoan oinarrituta, tresnak sortu ditugu neurriak eragile guztiengana hurbiltzeko, modu eraginkorrean iristeko.

Aurkibidea

Laguntzak eta prestazioak 5

-   COVID-19 alarma-egoera ezarri izanaren ondorioz jarduera eteteagatiko aparteko prestazioa 5
-   Dirulaguntza eta laguntza publikoen arloko aparteko neurriak 7

Lan-arlokoak eta Gizarte Segurantzza 8

-    Langabeziagatiko subsidioari eta errenten urteko aitortpenari dagozkien aparteko neurriak 8
-    Kontratua eteteko prozedurei eta ezinbesteko arrazoiak eragindako lanaldi-murrizketari dagozkien aparteko neurriak 9
-    Gizarte Segurantzako kotizazio sozialen luzapena 11
-    Enplegu-erregulazioko espedienteak malgutzeko neurriak 13

Fiskalak – Zerga-arloko erraztasunak 17

-   Zerga-ordainketa geroratzea (BEZ, PFEZ, SZ) 17

Ekonomikoak eta finantzarioak 20

-    Gizarte Segurantzako kuotak eta lokalen errenta ordaintzeko aparteko lerroa – Lanbide 20
-    ETE eta autonomoen likidezia bermatzeko abalen lerroa 23
-    ETE eta autonomoen finantza-laguntza emateko programa – Finantzen Euskal Institutua 25
-    Hipoteka-maileguen luzamendua 27
-    SGAE fundazioa - Larrialdiko laguntza de ekonomikoak COVID-19a dela eta 30

Laneko osasuna eta segurtasuna 33

Teknologikoak eta digitalak 34

-    ACELERA Pyme Ataria 34

Beste batzuk

35




 Elektrizitatearen hornidurako neurriak enpresetarako

35

Eraginaren kodea


 Orokorra (sektoreko edozein enpresa edo profesional independenteri zuzendutako neurri orokorra)


 Espezifikoa (kultura-sektorerako zuzendutako neurri espezifikoa)

Erakundearen kodea


 Eusko Jaurlaritza


 Foru Aldundia


 Udala


 Estatukoa


 Europakoa


 Beste batzuk

Kategoria


 Laguntzak eta prestazioak


 Lan-arlokoak


 Fiskalak / Zerga-arloko erraztasunak


 Ekonomikoak eta finantzarioak


 Laneko osasuna eta segurtasuna


 Teknologikoak eta digitalak


 Beste batzuk



Orokorra



Estatukoa



Laguntzak eta prestazioak

COVID-19 alarma-egoera ezarri izanaren ondorioz jarduera eteteagatiko aparteko prestazioa

Onuradunak

Norberaren konturako langileak edo autonomoak –multzo horretan sartzen dira autonomo sozietarioak eta LAAB Langile Autonomoen Araubide Bereziari atxikitzea hautatu duten lan elkartuko kooperatibetako bazkide langileak–, honako egoera hauetakoren batean daudenak:

- Jarduerak etenda dituztela martxoaren 14ko 463/2020 Errege Dekretuaren arabera, alarma-egoeraren adierazpena dela eta .
- Prestazioa eskatu aurreko hilabetean fakturazioa murriztu izana, gutxienez, % 75, aurreko seihilekoko fakturazioaren batez bestekoari dagokionez.

Ez da beharrezkoa beste prestazio batzuetarako eskatzen den gutxienerako kotizazio-epea betetzea. Araubideren batean alta emanda egotea baino ez da beharrezkoa, eta kotizazio sozialen ordainketan egunean egotea.

Neurri mota

Martxoaren 14ko 463/2020 Errege Dekretua indarrean hasi zenetik kontaktzen hasita, hilabete 1ez edo alarma-egoera amaitzen den hilabeteko azkeneko egunera arte – hilabete 1ez baino gehiagoz luzatzen bada– jarduera eteteagatiko aparteko prestazioa.

Zenbatekoa

Diru-kopurua kalkulatzeko, honako hauek izango dira kontuan:

- **oinarri arautzailearen % 70**; jarduera eten zen egunaren **aurreko 12 hilabeteetako** oinarrien batez bestekoarekin kalkulatu da.
- bestela, LAABaren **gutxienerako kotizazio-oinarriarekin**, baldin eta ezin bada egiaztatu 12 hilabeteko gutxienerako aldia.

Dekretuaren arabera, prestazio hau jasotzen den aldia kotizatutako alditzat hartuko da; beraz, laguntza hauek jasotzen ari diren autonomoek eskatu ahal izango dute eta ez dituzte galduko jarduerari eustearekin baldintzatutako hobariak.

Epeak

8/2020 Errege Lege Dekretua indarrean hasi zenetik apirilaren 30era bitarte.

Prozedura

Gizarte Segurantzak izendatutako erakundeek kudeatuko dute prestazioa (Gizarte Segurantzaren laguntzaile diren mutuek, edo SEPEk, babesa Gizarte Segurantzako erakunde kudeatzaile batekin estalita duten langileen kasuan).

Mutua gehienek atal bat prestatu dute beren webgunean, bete beharreko ereduarekin eta, ahal dela, telematikoki aurkeztu beharreko dokumentazioarekin.

Beste batzuk

- Prestazio hau jasotzen bada, ezin izango da Gizarte Segurantzaren sistemako beste edozein prestazio jaso.
- Langileak kargura dituzten enpresaburuek ere aurkez dezakete **ERTE** edo **aldi baterako enplegu-erregulazioko espediente** beren langileentzat.
- Ez da baja eman behar enpresa-jardueran.

Informazio gehiago

[8/2020 Errege Lege Dekretuaren 17. artikulua](#)

<https://revista.seg-social.es/2020/03/24/once-preguntas-y-respuestas-sobre-lanueva-prestacion-extraordinaria-para-autonomos/>

[Iturria: Tecnocampus fitxa](#)

Dirulaguntza eta laguntza publikoen arloko aparteko neurriak

Onuradunak

Dirulaguntzak lehendik emanda dituzten autonomoak, mikroETeak eta ETEak.

Neurri mota

Lehendik emanda dauden dirulaguntza eta laguntza publikoen epea luzatzea. Jardueraren epea, justifikatzeko epea eta gauzatze hori egiaztatzeko epea luzatu daitezke.

Diruz lagundutako edo laguntza publikoak jasotzen dituzten jarduerari (Dirulaguntzei buruzko azaroaren 17ko 38/2003 Lege Orokorraren 22.1 artikuluan aurreikusitakoei) dagokienez, osasun-alarmaren adierazpena egin aurretik emanda zeudenen kasuan gauzatzeko epeak luzatu daitezke.

Epeak

8/2020 Errege Lege Dekretua indarrean hasi zenetik apirilaren 30era bitarte.

Betekizunak

- Larrialdi-egoera amaitu ostean, diruz lagundutako jarduera egitea ezinezkoa zela justifikatu beharko da.
- Administrazioak jardueraren gauzatzea egiaztatuko du.

Informazio gehiago

Errege Dekretua, 54. art.: <https://www.boe.es/buscar/pdf/2020/BOE-A-2020-4208-consolidado.pdf>



Orokorra



Estatukoa



Lan-arlokoak eta Gizarte Segurantzza

Langabeziagatiko subsidioari eta errenten urteko aitortpenari dagozkien aparteko neurriak

Onuradunak

Besteren konturako langileak.

Neurri mota

- **Subsidioak ez dira etengo** sei hilabeteko epea igaro ostean.
- 52 urtetik gorako langileentzako subsidioaren onuradunen kasuan, prestazioen ordainketa ez da etengo **luzatzeko eskaera edo errenten urteko aitortpena ez aurkezteagatik**.

Informazio gehiago

Errege Dekretua, 27. art.: <https://www.boe.es/buscar/pdf/2020/BOE-A-2020-3824-consolidado.pdf>

<https://www.sepe.es/HomeSepe/COVID-19.html>



Orokorra



Estatukoa



Lan-arlokoak eta Gizarte Segurantza

Kontratuak eteteko prozedurei eta ezinbesteko arrazoiak eragindako lanaldi-murrizketari dagozkien aparteko neurriak

Onuradunak

Enpresak.

Neurri mota

Enpresei kontratuak eteteko eta lanaldiak murrizteko aukera ematea, baldin eta etenaldia edo murrizketa eragin duen zuzeneko arrazoiak COVID-19aren ondoriozko jardueraren galera bada, alarma-egoeraren adierazpena barnean hartuta.

Betekizunak

COVID-19aren ondorioz, alarma-egoeraren adierazpena barnean hartuta, ezinbestekotzat jotzen diren egoeretakoren bat jarduera-galeraren zuzeneko arrazoi dela argudiatu dezaketen enpresak; galeratzat hartuko dira honako hauek:

- Jarduerak etetea edo bertan behera uztea.
- Jendea biltzeko lokalak aldi baterako ixtea.
- Murrizketak garraio publikoan eta pertsonen mugikortasunean.
- Murrizketa salgaien garraioan.
- Hornigairik ez izatea eta, horren ondorioz, jarduera ohiko moduan gauzatu ezin izatea.
- Larrialdiko eta ezohiko egoerak izatea langileak kutsatu direlako.
- Osasun-agintaritzak dekretu bidez agindutako prebentzioko isolamendu-neurriak hartzea.

Prozedura

Enpresa batek kontratuak eteteko edo lanaldiak aldi baterako murrizteko erabakia hartzen duenean deskribatutako egoeretan oinarrituta, honako hauek egin behar ditu:

- Prozedura abiaraztea eskaera aurkeztuta; eskaerarekin batera aurkeztu beharrekoak:
 - COVID-19aren ondorioz jarduera galdu izana azaltzen duen txostena.
 - Jardueraren galera hori egiaztatzen duen dokumentazioa.
- Eskaeraren berri ematea langileei eta txostena eta egiaztagiria helaraztea.
- Lan-agintaritzak ezinbesteko arrazoia betetzen dela egiaztatu behar du (eraginpeko langileen kopurua edozein izanik ere), eta etetea edo lanaldi-murrizketa eragin duen arrazoia hori dela.
- Lan-agintaritzak 5 eguneko epean eman behar du ebazpena, eskaera aurkezten denetik kontatzen hasita.
- Lan-agintaritzak txostena egiteko eska diezaioke Lan eta Gizarte Segurantzako Ikuskaritzari (aukerakoa), eta hori ere 5 eguneko epean egin beharko da.

Informazio gehiago

Errege Dekretua, 22. art.: <https://www.boe.es/boe/dias/2020/04/01/pdfs/BOE-A-2020-4208.pdf>

Gizarte Segurantzako kotizazio sozialen luzapena

Onuradunak

Enpresak eta norberaren konturako langileak, Gizarte Segurantzako edozein araubidetan sartuta daudenak.

Neurri mota

Gizarte Segurantzako Diruzaintza Orokorrak 6 hilabeteko luzapenak ematen dizkie, interesik gabe, enpresei eta norberaren konturako langileei, betiere eskaera egiten badute eta ezarritako betekizun eta baldintzak betetzen badituzte. Gehienez ere 6 hilabetez aplikatzen da (maiatzeko, ekaineko eta uztaileko kotizazioetatik) eta, gero, ordainketa egin behar da, errekarigurik eta interesik gabe.

Betekizunak

Burutzen diren jarduerak ezin izango dute etenda egon adierazitako alarma-egoeraren ondorioz (463/2020 Errege Dekretua, martxoaren 14koa).

1. **Enpresa** baldin bazara: luzapena Gizarte Segurantzako kotizazioen ordainketari dagokio, eta zerga-bilketa bateratuko kontzeptuengatik, betiere sortzapen-epea 2020ko apiriletik ekainera bitarte baldin bada.

2. **Norberaren konturako langilea edo autonomia** baldin bazara: luzapena Gizarte Segurantzako kotizazioen ordainketari dagokio, betiere sortzapen-epea 2020ko maiatzetik uztaile bitarte baldin bada.

Prozedura

1. **Enpresa** baldin bazara: luzapen-eskaera Datuak Elektronikoki Igortzeko Sistemaren (RED sistemaren) bitartez aurkeztu behar duzu, Gizarte Segurantzaren arloan. Enpresek eskaera indibidualizatuak aurkeztu behar dituzte, langileak alta hartuta dauden kotizazioko kontu-kode bakoitzaren arabera, Gizarte Segurantzako kotizazioen ordainketan luzapena eskatzen den langileari dagokionez, eta zerga-bilketa bateratuko kontzeptuengatik.

2. **Norberaren konturako langilea** baldin bazara: luzapen-eskaera RED sistema horren bitartez edo Gizarte Segurantzako Estatu Idazkaritzaren (SEDESS) egoitza elektronikoan dauden bitarteko elektronikoen bitartez aurkeztu behar duzu.

Epeak

Luzapen-eskaeren berri eman behar da Gizarte Segurantzaren Diruzaintza Nagusian:

1. Sortzapen-epeei dagozkien ordainketako arauzko epeen hasierako 10 egun naturaletan.
2. Luzapena eman dela jakinarazteko epea 3 hilabete izango da, eskaera egin denetik. Hala ere, jakinarazpen hori egindakotzat joko da kuoten likidazioetan luzapena benetan aplikatuz gero.

Luzapena eman dela RED sistemaren edo SEDESSaren bitartez jakinaraziko du GSDNak.

Beste batzuk

1. Luzapena ezin izango da aplikatu kotizazioko kontu-kodeetan, baldin eta enpresek salbuespena lortu badute enpresa-ekarpenaren ordainketan eta zerga-bilketa bateratuko kuotetan, kode horiei dagokienez (martxoaren 17ko 8/2020 Errege Lege Dekretuaren 24. artikuluan araututa dago).

2. Gizarte Segurantzarekiko zorren ordainketa geroratzea: enpresek eta norberaren konturako langileek Gizarte Segurantzarekiko zorren ordainketa geroratzeko eskaera egin dezakete, 2020ko apiriletik ekainera bitarte ordaindu behar dituzten zorren kasuan, eta eskatutako interes-tasan beherapen nabarmena eginda (% 0,5ekoa izatea erabaki da). Geroratzeko aukera hori aplikatu daiteke baldin eta enpresak edo norberaren konturako langileak ez badu beste geroratzerik indarrean.

Informazio gehiago

Enplegu eta Gizarte Politiketako Saila:

<https://www.covid19laguntzak.eus/es/buscar/?palabra=seguridad+social+moratoria>

Errege Dekretua, 34. art.: <https://www.boe.es/boe/dias/2020/04/01/pdfs/BOE-A-2020-4208.pdf>

Luzapenaren eskaera-eredua: <http://www.seg-social.es/wps/portal/wss/internet/Trabajadores/CotizacionRecaudacionTrabajadores/9896/38386/52203/1465>

Iturria: Tecnocampus fitxa

 Orokorra  Estatukoa  Lan-arlokoak eta Gizarte Segurantzza

Enplegu-erregulazioko espedienteak malgutzeko neurriak

Onuradunak

ETEak, autonomoak eta enpresak.

Neurri mota

Neurri horien bitartez, **enplegu-erregulazioko (ERTE)** prozedurak izapidetzeko epeak arintzen dira, prozeduren arrazoia ezinbesteko kausak edo arrazoi ekonomikoak, teknikoak, antolakuntzakoak edo produkziokoak izanik ere.

Neurri horien bitartez, halaber, Gizarte Segurantzaren kotizazio-kuoten kontzeptupean aurreikusitako enpresa-ekarpenaren ordainketan ERTEak baimenduta dituzten enpresak ere salbuesten dira.

Neurriak

ERTEaren neurriak bi motatakoak izan daitezke:

- **Lan-kontratua etetea.**
- **Langileen lanaldia murriztea.**

Betekizunak

Ezinbesteko arrazoiak eragindako ERTEa honako hauek eska dezakete:

- Alarma-egoeraren adierazpenaren ondorioz jardueran jardun ezin duten enpresek.
- COVID-19aren ondorioz, jarduerarekin jarraitzeko eragozpenak izan dituzten enpresek, honako hauek direla eta:
 - o jarduerak etetea edo bertan behera uztea,
 - o jendea biltzeko lokalak aldi baterako ixtea,
 - o murrizketak garraio publikoan eta pertsonen mugikortasunean,
 - o murrizketa salgaien garraioan,

- o hornigairik ez izatea eta, horren ondorioz, jarduera ohiko moduan gauzatu ezina,
- o larrialdiko eta ezohiko egoerak izatea langileak kutsatu direlako
- o osasun-agintaritzak dekretu bidez agindutako prebentzioko isolamendu-neurriak hartzea.

Arrazoi ekonomikoek, teknikoek, antolakuntzakoek edo produkziokoek eragindako ERTEa honako hauek eska dezakete:

- COVID-19arekin lotutako aldaketak justifika ditzaketen enpresek:
 - o Sistemen edo langileen lan-metodoen eremuan, edo produkzioa antolatzeko moduan
 - o Enpresak merkatura atera nahi dituen produktu edo zerbitzuen eskarian.
 - o Produkzioko tresna edo bitartekoen eremuan.
- Edo enpresaren emaitzetan egoera ekonomikoa negatiboa denean, egungo edo aurreikusitako galerak dauden kasuan, edo diru-sarrera arrunten edo salmenten murrizketa iraunkorra gertatzen denean.

Enpresaburuari dagokio espedientea aurkezteko betebeharra, Lan eta Gizarte Segurantzako Zuzendaritzaren webgunearen bitartez. Bide hori baliatu ahal izateko, erakundeak ziurtagiri digitala izan behar du edo, bestela, erakundearen legezko ordezkari den enpresaburuak ziurtagiri pertsonala izan behar du (Izenpek emandako herritarren txartela, B@kq, NAN elektronikoa...).

Dena den, aholkularitza-enpresek, abokatu-langelek, lan-harremanetako gradudunen bulegoek edo enpresaburuaren elkarrekin ere aurkez dezakete eskaera, enpresa interesdunaren edo autonomo interesdunaren izenean. Kasu horietan, borondatezko ordezkari emateko inprimaki normalizatua aurkeztu behar izango da.

Prozedura

Ezinbesteko arrazoiek eragindako ERTEa

- Prozedurari eskabide baten bitartez emango zaio hasiera. Eskabide horrekin batera honako hauek aurkeztuko dira:
 - o COVID-19aren ondoriozko jarduera-galera azaltzen duen txosten bat.
 - o Jarduera-galera hori egiaztatzen duen dokumentazioa.
- Enpresak kontsultaldi bat izapidetu behar du langileen ordezkariekin (batzordea, langileen ordezkariak edo langile-batzordea ad hoc)
- Langileei jakinarazi beharko zaie ERTEari hasiera emateko asmoa dagoela.
- Une horretatik aurrera, langileek 5 eguneko epea izango dute beren negoziazio-batzordea eratzeke.

- Lan-agintaritzak egiaztatu beharko du ezinbesteko arrazoiak daudela (eraginpeko langile kopurua edozein izanda ere), baita lanaldia etetea edo murriztea eragin duen arrazoia zein den ere.
- Lan-agintaritzaren ebazpena eskabidea aurkeztu eta 5 eguneko epearen barruan emango da.
- Lan-agintaritzak Laneko eta Gizarte Segurantzako Ikuskatzaitzaren txosten bat (hautazkoa) eska dezake. Txosten hori ere 5 eguneko epean egin beharko da.

Arrazoi ekonomiko, tekniko, eta antolakuntzako edo produkziozkoek eragindako ERTEa

- Enpresak kontsultaldi bat izapidetu behar du langileen ordezkariekin (batzordea, langileen ordezkariak edo langile-batzordea ad hoc)
- Langileei jakinarazi beharko zaie ERTEari hasiera emateko asmoa dagoela
- Une horretatik aurrera, langileek 5 eguneko epea izango dute beren negoziazio-batzordea eratzeko.
- Arrazoi motaren arabera, dokumentazio espezifikoak aurkeztu beharko da egiaztatutako arrazoia justifikatzeko.
- Enpresak Gizarte Segurantzari bere langileen enpresa-kotizazioak ordaintzen jarraitu beharko du.

Kotizazioen ordainketatik salbuestea

Lan-agintaritzak ezinbesteko arrazoia baliozkotzen badu:

- **50 langiletik beherako** enpresek ez dute gizarte-segurantzaren kuota ordaindu beharko.
- Enpresak **50 langile edo gehiago baditu**, kuotaren % 25a soilik ordainduko du.
- Ezinbesteko arrazoitzat hartzen ez diren ERTEek langileen gizarte-segurantzaren kuotak ordaintzen jarraituko dute.

Epeak

Ezinbesteko arrazoiak eragindako ERTEa

- Baimena ezinbesteko arrazoiak eraginda eskatzen bada, 5 eguneko gehieneko epea dago lan-agintaritzak erantzuna emateko.
- Epe horretan erantzunik jasotzen ez bada, ulertuko da erantzuna baiezkoa dela administrazioaren isiltasunagatik.
- Atzeraeraginezko efektuz eska daiteke, alarma-egoera adierazi zen eguna hasieratzat hartuta.

Beste batzuk

ERTEek irauten duten bitartean, langileei ez zaie baja eman beharko Gizarte Segurantzari, alta emanda jarraitzen baitute, kontuan hartu gabe enpresa kotizazioak ordaintzetik salbuetsita egon daitekeela (ERTEaren indarraldia langileek kotizatutako alditzat hartuko da).

Gizarte Segurantzako kotizazioaren ordainketatik salbuestea ez da automatikoa ezinbesteko arrazoiak eragindako ERTEetan, baizik eta Gizarte Segurantzari eskatu behar zaio eta arrazoa egiaztatu behar da.

Jarduerarekin berriz hasten den egunetik aurrera kontratuak gutxienez 6 hilabetez mantentzearekin lotuta dago salbuespena.

Administrazioaren isiltasuna dela eta ezinbesteko arrazoiak eragindako ERTEa izapidetu ondoren, ERTEa berrikusi eta baliogabetu ahal izango da. Garrantzitsua da ezinbesteko arrazoa ondo justifikatzea.

ERTEetarako informazio-bideak

LANERAKO ARABAKO LURRALDE ORDEZKARITZA

Tel.: 945 017 030

trabajoaraba@euskadi.eus

LANERAKO BIZKAIKO LURRALDE ORDEZKARITZA

Tel.: 944 031 244 - 944 031 241

trabajobizkaia@euskadi.eus

LANERAKO GIPUZKOAKO LURRALDE ORDEZKARITZA

Tel.: 943 023 224

trabajogipuzkoa@euskadi.eus

Informazio gehiago

[22.-24. artikulua. 8/2020 Errege LD](#)

http://www.mitramiss.gob.es/ficheros/ministerio/contacto_ministerio/FAQ_ERTES_derivados_coronavirus.pdf



 Orokorra  Foru Aldundiak  Fiskalak eta zerga-arlokoak

Zerga-ordainketa geroratzea -Foru Aldundiak

BIZKAIKO Foru Aldundia

Zerga-arloko neurriak, Bizkaiko zergadunen eta, batik bat, mikroenpresen, ETEen eta langile autonomoen likidezia hobetzera eta ekonomiaren sektore kalteberenen gaineko eragin ekonomiko negatibo handiagoa prebenitzera zuzenduak.

Zehazki, martxoaren 16tik ekainaren 1era bitarte sor litezkeen zerga-betebeharrak mugatu, eten edo geroratzen dira, hala nola zerga-ordainketak edo autolikidazio eta aitorpenak aurkeztea.

Informazio gehiago

[BIZKAIKO ZERGA-ARLOKO NEURRIAK](#)

ARABAKO Foru Aldundia

Dekretu baten bitartez, zerga-arloko hainbat epe etetea edo luzatzea aurreikusten da, baita zerga-zorren ezohiko zatikatzea ere, krisialdiaren osteko egoera ekonomikoan ETEei eta autonomoei laguntze aldera.

Arabako Foru Aldundiaren Gobernu Kontseiluak [Zerga Premiazko Araugintzako 2/2020 Dekretua](#) onetsi du, premiazko zerga neurriak onesten dituen COVID-19ren inpaktu ekonomikoari erantzuteko.

Informazio gehiago

[ARABAKO ZERGA-ARLOKO NEURRIAK](#)

GIPUZKOAKo Foru Aldundia

Dekretu baten bitartez, zerga-arloko hainbat neurri onetsi dira Covid-19aren osasun-krisiaren ondorioz, hala nola zergapeko jakin batzuentzat hiru hilabeteko autolikidazioak eta aitorpen ez-aldizkako, informatibo eta laburtzaileak aurkeztu eta ordaintzeko epea zabaltzea.

Informazio gehiago

GIPUZKOAKO ZERGA-ARLOKO NEURRIAK

[Ohiko galderak \(PDF\) Gipuzkoan onartutako zerga-neurriak](#)

 Orokorra  Estatukoa  Fiskalak eta zerga-arlokoak

Zerga-ordainketa geroratzea (BEZ, PFEZ, SZ) Espainiako estatua

Onuradunak

2019ko eragiketen bolumena 6.010.121,04 € baino txikiagoa duten pertsona fisikoak edo erakundeak.

Nork eska dezake

Titularrak berak edo haren izenean jarduten duen hirugarren batek (laguntzaile soziala izan daiteke, edo izapidea osatzeko ahalordeduna).

- PIN gakoarekin sartuz gero, norberaren zorrak soilik izapidetu daitezke.
- Laguntzaileak edo ahalordedunak laukitxoa bete behar du, geroratzea eskatzen duen zergapekoaren IFZrekin.

Zenbatekoak eta epeak

Gehienez 30.000 € geroratu daitezke

Martxoaren 13tik, ostirala, maiatzaren 30era bitarte (biak barnean hartuta) sortutako sortzapen eta ordainketak.

6 hilabetez, eta 3 hilabeteko gabealdiarekin

Lehenengo hiruhilekoari dagozkion ordainketak, batik bat, hartzen ditu eraginpean, ohiko moduan apirilaren 20an likidatzen diren aldetik; honako hauek izan daitezke:

- PFEZaren atxikipenak
- BEZa
- Enpresaburuen eta sozietateen ordainketa zatikatuak

Gabealdia 3 hilabetekoa izango da: lehenengo 3 hilabeteetan ez da ezer ordaintzen. Zergak 3 hilabeteak igaro ostean likidatzen badira, berandutza-interesak gehituko zaizkie.

Prozedura

Ohiko prozedurak erabilita, zergadunak ordaindu behar dituen eta geroratu nahi dituen zenbatekoak agertzen diren autolikidazioa aurkeztu behar da, aukera hau markatuta: «**Zorra aitortzea**».

OSO GARRANTZITSUA da "Eskaeraren arrazoia» atalean honako hau jartzea: «**ELD Geroratzea» (Errege Lege Dekretua, alegia)**

Informazio gehiago

Prozedurari buruz, [Zerga Agentziaren](#) webgunean

[Iturria](#): Tecnocampus fitxa



Gizarte Segurantzako kuotak eta lokalen errenta ordaintzeko aparteko lerroa – Lanbide

Onuradunak

- Enpresaburu indibiduala edo autonomoa.
- Ondasun-erkidegoetako eta sozietate zibiletako kideak, betiere dirulaguntza norbere izenean eskatzen bada.

Neurri mota

Mota honetako gastuetarako dirulaguntza:

- Langile Autonomoen Araubide Berezian edo Itsasoko Langileen Gizarte Segurantzaren Erregimen Berezian **norberaren konturako langile gisa kotizazioa ordaintzeari dagozkion kuotak**. (Salbu eta Lanbide - Enplegurako Euskal Zerbitzuaren edo beste administrazio publiko batzuen dirulaguntza jaso baduzu lehendik kontzeptu horrengatik).

Kuotek alarma-egoera hau amaitu ondorengo bi hilabeteetan jasoko dute dirulaguntza.

- Eta **negozio-lokalen errenta**, betiere lokalak familia-etxebizitzaren zati ez badira eta lokalaren errentatzailearekin ez badago bigarren mailara arteko odol-ahaidetasunik edo ezkontza-ahaidetasunik, eta ez bada errentari gisa jarduten duen pertsona fisikoaren edo juridikoaren bazkide edo partaide.

Errenta-kostuek martxotik aurrera (hilabete hori barne) eta alarma-egoera amaitu ondorengo bi hilabeteetan jasoko dute dirulaguntza.

Betekizunak

- Jarduera eteteagatiko aparteko prestazioaren titularra izatea, COVID-19ak eragindako alarma-egoera ezarri izanaren eraginpeko pertsonen kasuan.
- EAEn erroldatuta egotea eta benetan bertan bizitzea (eta alarma-egoera amaitzen denean, gutxienez 4 hilabete gehiagoz erroldatuta egotea).
- Enpresa-jardueraren egoitza soziala eta fiskala ez ezik, lantokia ere EAEn egotea (eta gutxienez 4 hilabete gehiagoz erroldatuta jarraitzea).
- Negozio-lokal baten errentari izatea, betiere eskatzailearen etxebizitzaren zati ez bada (ez da 2. mailara arteko ahaidetasunik egongo lokalaren errentatzailearekin, eta ez da errentatzailearen bazkide izango). Coworking-espazioak hemendik kanpo geratzen dira.
- Esklusiboki jardutea etenda geratu den jardueran.
- Ez jasotzea inolako laguntzarik kontzeptu edo helburu berarengatik.
- Zerga-betebeharrak eta Gizarte Segurantzari dagozkionak egunean edukitzea.
- Dirulaguntzak itzultzeko dagozkion ordainketa guztiak eginak edukitzea.
- Penalki eta administratiboki zigortuta ez egotea.
- Jarduerari berriro ekitea alarma-denboraldia igarotakoan.

Zenbatekoa

Gehienez ere **3.000 euro** onuradun bakoitzeko

Ondasun-erkidegoetako eta sozietate zibiletako kideen kasuan, dirulaguntza ez da 3.000€-tik gorakoa izango kide guztientzat.

Epeak

Eskaerak aurkezteko epea **2020ko irailaren 30ean** amaituko da.

Eskaera aurkezteko datatik aurrera, administrazioak 3 hilabete izango ditu ebazpenak erabaki eta jakinarazteko. Denbora hori igarotzen bada, eta erantzunik jasotzen ez baduzu, horrek esan nahi du eskaera onartua izan dela.

Ordainketa zati bakar batean egingo da.

Prozedura

Web formularioa [laguntza-lerro](#) honetako "Tramitazioa" atalean dago eskuragarri.

Formularioarekin batera, honako hauek aurkeztu behar dira:

- Jarduera eteteagatik aparteko prestazioa ematea onartzen duen ebazpena.
- Negozio-lokalaren errentamendu-kontratua.

- Hala badagokio, ondasun-erkidegoa edo sozietate zibila eratu izanaren egiaztagiria.

Laguntzak ordaindu ahal izateko, eskatzaileak Eusko Jaurlaritzaren Ogasun eta Ekonomia Sailaren Kontrol Ekonomikoko Bulegoaren Hirugarrenen Erregistroan agertu beharko du.

Kudeaketa elektronikoki egiteko behar diren baliabide elektronikoak ez dauzkaten pertsonak formularioa deskargatu ahal izango dute.

Laguntzen justifikazioa

Laguntza eman ondoren, eta 2021eko urtarrilaren 29ra arte, ordainketa hauen frogagiriak egiaztatu eta aurkeztu beharko dira:

- negozio-lokalaren errenta ordaindu dela egiaztatzen dutenak, laguntza jaso den hilabeteei dagozkienak.
- kotizazioari lotutako kuoten ordainketenak

Egiaztatutako eta justifikatutako ordainketen zenbatekoa emandako dirulaguntza baino txikiagoa bada, diruz lagundutako zenbatekoa egokitu egingo da.

Beste batzuk

Deialdi honi buruzko kontsultak Lanbideren telefonoen bitartez egin daitezke:

- **Herritarrentzat:** 945 160 600 / 630 305 452
- **Erakundeak eta enpresak:** 945 160 601

Informazio gehiago

[Ohiko galderak](#)

[Laguntzetarako sarbidea](#)

<https://www.lanbide.euskadi.eus/general/-/empresas-y-autonomos/>



Orokorra

Estatukoa



Ekonomia-arlokoak eta finantza-arlokoak

ETE eta autonomoen likidezia bermatzeko abalen lerroa

Gobernuak, Gai Ekonomikoen eta Eraldaketa Digitalaren Ministerioaren bitartez, Abalen Lerro bat jarri du abian, 100.000 milioi eurokoa gehienez ere. Lerro horren helburua Espainiako enpresa eta autonomoei laguntza ematea eta jarduerari nahiz lanari eusteko beharrezkoa den finantzaketa lortuko dela bermatzea da.

Martxoaren 24an, Ministroen Kontseiluak Lerroaren lehenengo tartearen ezaugarriak onartu zituen. Tarte horren zenbatekoa 20.000 milioi eurokoa da, autonomo eta ETEen maileguak bermatzeko erabiliko denaren % 50a.

Onuradunak

COVID-19aren ondorio ekonomikoak izan dituzten enpresak eta autonomoak.

Neurri mota

Finantzaketa soldatak, fakturak, zirkulatzaila edo bestelako likidezia-premiak ordaintzeko, finantza-betebeharren eta zerga-betebeharren epemugak barne.

Zenbatekoa

- **Autonomoen eta ETEen kasuan**, berme horrek finantzaketa-mailegu berrien eta finantzaketa-berriztapenen **% 80** estaltzen du.
- **Gainerako enpresen** kasuan, emandako finantzaketa berriaren **% 70** eta berriztapen-eragiketetarako **% 60** bermatzen da.

Epeak

Jaulkitako abalak emandako maileguaren epe bereko indarraldia izango du, eta gehienez ere **5 urtez** luzatuko da.

Enpresa eskatzaileentzako betekizunak

- Ezin izango dira berankortasun-egoeran azaldu ondare-kaudimenari eta kredituari buruzko informazio-artxiboetan 2019ko abenduaren 31n.
- Ezin izango dira konkurtso-prozeduran sartuta egon 2020ko martxoaren 17an.

Prozedura

Lerro hau Kreditu Ofizialeko Institutuak (ICO) kudeatuko du, finantza-erakundeen laguntzarekin.

Beste batzuk

Indarraldia: 2020ko irailaren 30a arte. Lerro hau atzeraeraginezkoa da. Abala eskatu ahal izango da 8/2020 Errege Lege Dekretua, 2020ko martxoaren 18koa, indarrean jarri ondoren formalizatutako eragiketetarako.

Informazio gehiago

<https://www.ico.es/web/ico/linea-avales>

<https://www.ico.es/documents/19/51955/NP+L%C3%ADnea+Avaless+con+logo+sanidad.pdf/2ef8f357-6118-44ac-bbde-f236d7a63da9>

Iturria: Tecnocampus fitxa

ETE eta autonomoei finantza-laguntza emateko programa – Finantzen Euskal Institutua

Onuradunak

Enpresa txiki eta ertainek, pertsona fisikoek, enpresaburu indibidualek eta profesional autonomoek eskatu ahal izango dute finantzaketa.

Neurri mota

Zuzeneko maileguak finantzatzeko lerro urgentea autonomo eta ETEentzat % 0ko interesean, likidezia-premiei erantzuteko eta 6 hilabeteri dagozkien egitura-gastuak finantzatzeko, 2020ko martxoaren 1etik aurrera.

Betekizunak

- Helbide soziala, erabakitze-zentroa eta/edo gutxienez jarduera-zentro bat EAEn edukitzea.
- Dirulaguntza bat lortu ahal izateko behar diren betekizunak biltzea; esate baterako, ez zaio bermerik emango EAEko Administrazioaren batekin edo erakunde autonomoekin betebeharren bat bete ez duenari.
- Zerga-betebeharren ordainketa eta Gizarte Segurantzari dagokiona egunean edukitzea.
- Kaudimen-prozeduran ez egotea.
- Sexu-bereizkeria egiteagatik zehatuta ez egotea.
- Eskararekin batera, dauden finantza-premien deskribapen txiki bat aurkeztea.

Kostu finantzagarriak

Finantzaketa ezin izango da erabili epe laburreko zirkulatzailerako ezerezteko; horrenbestez, enpresaren zorra igo dela aurkeztu beharko da; salbuespen izango dira 2020ko martxoaren 1etik aurrera Covid-19ren krisia dela eta egindako eragiketak.

Azken zenbateko finantzagarria kalkulatzeko, kontuan izango da enpresa edo pertsona eskatzaileari lehendik eman ote zaizkion egungo egoera berezia dela eta beste likidezia-erraztasun batzuk edo aldi baterako kostuak. Adibidez, zergak atzeratzea edo lan-kostuak murriztea ERTEa onartu delako.

Maileguaren baldintza orokorrak

- Mailegua, EBBren abalarekin.

- Zenbatekoak:
 - o Autonomoen kasuan: 5.000 euro gutxienez eta 50.000 euro gehienez.
 - o Gainerako kasuetan: 5.000 euro gutxienez eta 1.000.000 euro gehienez.
- Epea: 5 urte.
- Gabealdia: 12 hilabete.
- Interes-tasa: Euriborra gehi urteko % 0,50. Interes hori Euskal Autonomia Erkidegoko Administrazio Orokorrak **diruz lagunduko du, kostua % 0ren baliokidea izan dadin onuradunarentzat.**
- Likidazioak: hiru hilean behin.
- Bermeak: Elkargi SGR erakundearen abala. Elkargik erabaki eta kudeatuko du abala; horregatik, egokitzen hartzen dituen kontrabermeak eskatu ahal izango ditu.
- Komisioak:
 - o Formalizazio-batzordea: Formalizatutako zenbatekoaren % 0,25
 - o Abalaren komisioa: urteko % 0,75eraino, EAEko Administrazioak diruz lagunduko du % 50ean.
 - o EBBren partizipazioen harpidetza eta ordainketa eragiketaren zenbatekoaren % 2ko balioan.

Prozedura

Bidali eskaera, arrazoiaren deskribapenarekin, eskatutako dokumentazioarekin eta ezohiko egoera dela eta dituzun premien zenbatekoarekin batera, ELKARGI SGR erakundera webgune honen bitartez: <https://www.elkargionline.com>

- Arabako egoitza: 945 23 12 12
- Bizkaiko egoitza: 944 238 228
- Gipuzkoako egoitza: 943 30 91 77

Informazio gehiago

<http://www.ivf-fei.euskadi.eus/ivf/lineas-financiacion/>

Bideotutoriala zure eskaera Elkargionline-n aurkezteko



Orokorra



Estatukoa



Ekonomikoak eta finantzarioak

Hipoteka-maileguen luzamendua

Zer hipoteka-zor edo hipoteka-mailegu

1. Ohiko etxebizitza

2. Osasun-larrialdiaren ondorioz egoera ekonomiko kalteberan dauden enpresaburuek eta profesionalek egiten duten **jarduera ekonomikoari atxikitako higiezinak**:

a) Onuradun potentziala **langabezia-egoerara** igarotzea edo, enpresaburua profesionala baldin bada, diru-sarreretan **galera** nabarmena izatea edo **fakturazioan gutxienez % 40ko** jaitsiera nabarmena izatea.

3. **Ohikoak ez diren etxebizitzak, alokairuan daudenak**, betiere hipotekaren zordun den pertsona fisikoak, etxebizitza horien jabe eta errentatzaileak, alokairuaren errenta jasotzeko utzi badio martxoaren 14an alarma-egoera indarrean sartuz geroztik, edo alarma-egoera bukatu eta handik hilabetera arte ere ez badu jasotzen.

Onuradunak

Alokairu edo hipoteken zordunak, egoera ekonomiko kalteberan daudenak.

Neurri mota

1. **Hipoteka-zorra etetea hitzartutako epean** eta, beraz, luzamendua indarrean dagoen bitartean, hipoteka-maileguaren kontratuan jasota dagoen epemuga aurreratuko klausula ez aplikatzea.

2. Luzamendua indarrean dagoen bitartean, **erakunde hartzekodunak ezin izango du hipoteka-kuota ordaintzeko eskatu**, ezta kuota horretan sartzen den ezein kontzeptu ere (kapitalaren amortizazioa edo interesak ordaintzea), ez osorik, ez ehuneko bat. Interesak ere ez dira sortuko.

Betekizunak

Zordunak luzamendua eskatu ahal izateko, betekizun hauek **GUZTIAK** bete behar ditu:

1. **Langabezia-egoerara** igaro den hipoteka-zorduna edo diru-sarreretan galera edo **salmenten jaitsiera nabarmena** izan duen enpresaburu / profesionala (salmenten jaitsiera gutxienez % 40koa)

2. Luzamenduaren eskaera egin aurreko hilabetean, **familia-unitatearen diru-sarrerek, guztira, muga hauek ez gaingitzea**:

a) Oro har, Hileko Ondorio Askotariko Errenta Adierazle Publikoa (hemendik aurrera, IPREM), hiru aldiz.

Hileko IPREM zenbatekoa = 537,84€.

b) Muga hori IPREM bider 0,1 aldiz handituko da, familia-unitatearen kargurako seme edo alaba bakoitzeko. Kargurako seme edo alaba bakoitzeko aplikatu beharreko gehikuntza IPREM bider 0,15 izango da, guraso bakarreko familia-unitatean dagoen seme edo alaba bakoitzeko.

c) Muga hori IPREM bider 0,1 aldiz handituko da, familia-unitatean dagoen 65 urtetik gorako pertsona bakoitzeko.

d) Familia-unitateko kideren batek % 33tik gorako desgaitasuna aitortua badu, mendekotasun-egoeran badago edo lan egitea eragozten dion gaixotasunen bat badu, a) azpiatalean aurreikusitako muga IPREM bider lau izango da, kargurako seme edo alaba bakoitzeko gehikuntzak alde batera utzi gabe.

3. Hipotekaren kuotari gastuak eta oinarritzko hornigaiak gehituta ateratzen den zenbatekoa **familia-unitateko kide guztiek jasotzen dituzten diru-sarrerara garbien % 35 edo gehiago** izatea.

4. Familia-unitatearen egoera ekonomikoa nabarmen aldatu izana, hipoteka-kargak familia-errentan dakarren esfortzua 1,3 aldiz, gutxienez, areagotu delako.

Epeak

Alarma-egoeraren eta martxoaren 17ko ELDaren indarraldia amaitu eta gehienez 15 egun geroago ere eska daiteke.

Prozedura

1. Luzamenduaren eskaera erakunde hartzekodunean aurkeztu behar da, honako agiri hauekin batera:

a) Langabezia-egoera: prestazioak kudeatzen dituen erakundeak egindako ziurtagiria.

b) Norberaren konturako langileen jardura etetea:

- Zerga Administrazioako Estatu Agentziak edo autonomia-erkidegoan eskuduna den organoak egindako ziurtagiria.

c) Etxebizitzan bizi diren pertsonen kopurua:

- Familia-liburua edo izatezko bikotearen egiaztagiria.

- Etxebizitzan erroldatuta dauden pertsonen erroldatze-agiria, egiaztagiriak aurkezten diren uneari eta aurreko 6 hilabetei dagokienez.

d) Ondasunen jabetza:

- Jabetza Erregistroko indize-zerbitzuaren ohar soila, familia-unitateko kide guztiena.

- Etxebizitzaren salerosketako eskriturak eta hipoteka-bermedun mailegua emateari buruzkoak.

e) Zordunaren erantzukizunpeko adierazpena, Lege honen arabera nahikoa diru-baliabiderik gabekotzat hartzeko eskatzen diren betekizunak betetzen dituela adierazteko.

2. Erakunde hartzekodunak gehienez ere 15 eguneko epean ezarriko du.

3. Luzamendua eman ostean, erakunde hartzekodunak Espainiako Bankuan jakinaraziko du luzamendua eman izana eta zenbateko iraupena duen, kontabilitateko ondorioetarako.

4. Etetearen aplikazioa eskritura publikoan jaso eta Jabetza Erregistroan erregistratu behar da.

Informazio gehiago

7- 16 artikulua: [8/2020 Errege Lege Dekretua, martxoaren 17koa](#)

[11/2020 Errege Lege Dekretua, martxoaren 31koa](#)

Iturria: Tecnocampus fitxa



Espezifikoa



Beste batzuk



Ekonomikoak eta finantzariak

SGAE fundazioa - Larrialdiko laguntza ekonomikoak COVID-19a dela eta.

Onuradunak

Autonomoak (**autoreei laguntzeko programa**).

Neurri mota

Gizarte Larrialdietarako Laguntzen programa gizarte-bazterkeriako arriskuan dauden autore kalteberenei zuzenduta dago; programa horretaz gain, une hauetan zailtasun handiagoak dituzten autoreei laguntzeko programa berrien sorta bat finantzatuko duen funtsa abiarazi da. **Laguntza ekonomikoen** lerro berriak honako hauek dira:

- **SGAE-Korona funtsak**
SGAEko autoreei gehienez 3.000 euroko laguntza, koronabirusaren eraginez eta alerta-egoeraren ondorioz lanbide-jarduera eteteagatik ondorio ekonomiko larriak pairatzen ari badira, eta autore horien ezaugarriak direla eta, ezin badituzte erakundeak eskainitako beste laguntza edo babes-zerbitzu batzuk eskuratu.
- **Maileguen eta likidazio-aurrerapenen lerroa**
Autoreek maileguak eta aurrerakinak eskuratu ahal izango dituzte, SGAEren arauetan zehaztutako baldintzak betez gero.
- **Berehalako aurrerakinen edo larrialdiko maileguen lerroa**
Horretaz gain, berehalako maileguen lerroa zabaldu da; **2019ko azken seihilekoko azken likidazioaren % 30**eko larrialdiko aparteko mailegua eskaintzen da 2019ko azkeneko seihilekoko likidazioetan 3.000 eurotik 10.000 eurora bitarte jaso zituzten bazkideentzat, betiere alde aurretik eskatuz gero.
- **Laguntza publikoak eskatzeko aholkularitza-zerbitzua**
- **Etkez etxeko otordu-zerbitzua baliabide gutxien dituzten bazkide zaharrenentzat**

Zenbatekoa

- Gehienez **3.000 €-ko laguntzak bazkideentzat** (SGAE-Korona funtsak)
- 2019ko azken seihiilekoko likidazioen **% 30eko berehalako aurrerakinen** lerroa
- Gehienez **6.000 €-ko laguntzak bazkideentzat** (Gizarte Larrialdietarako Laguntzen programa). Ordainketa zatikatua izango da beti, salbuespenezko kasuetan izan ezik

Epeak

Epea 2020ko apirilaren 15era arte zabaldu da

Betekizunak

SGAE-Korona funtsak

Koronabirusaren eraginez eta alerta-egoeraren ondorioz lanbide-jarduera eteteagatik **ondorio ekonomiko larriak pairatzen ari diren** bazkideak, eta bazkide horien ezaugarriak direla eta, ezin badituzte erakundeak eskainitako beste laguntza edo babes-zerbitzu batzuk eskuratu.

Eskaera aurkezteko azkeneko eguna apirilaren 15a da, asteazkena, 18:00etan.

Berehalako aurrerakinen edo larrialdiko maileguen lerroa

2019ko **azken seihiilekoko likidazioetan 3.000 eurotik 10.000 eurora** bitarte jaso zituzten bazkideak.

Larrialdiko berehalako maileguak maiatzaren 31ra arte eska daitezke

Gizarte Larrialdietarako Laguntzak

Autore eta Argitaratzaileen Elkartea Nagusia (SGAE) **bozkatzeko eskubidea duten bazkide autore biziak**, beren buruarentzat edo beren familia-unitatearentzat, egiaztatutako egoeretan eta:

- o **Lanerako eragozpen den gaixotasun larri eta puntual bat** dutenak
- o **Gaixotasun larria eta 65 urte baino gehiago** dituztenak
- o **% 33tik gorako desgaitasun**-maila edo **ezintasun iraunkor** partziala absolutua edo baliaezintasun handia aitortuta dutenak
- o **Larrialdiko egoera ekonomikoari** eta premia larriari aurre egin behar diotenak
- o Osasun Publikoan sartzen ez den gaixotasun larri batek eragindako gastuari aurre egiteko **diru-baliabiderik ez dutenak**
- o Nork bere burua eta bere kargurako senitartekoak mantentzeko adina **diru-baliabiderik ez dutenak**
- o **Etxegabetzeko premiamenduan eta/edo kalean geratzeko arriskuan** daudenak.

Prozedura

Eskaera guztiak posta elektronikoaren edo telefonoaren bitartez egingo dira.

Kontaktuak eta bestelakoak

Laguntzeko telefono-zenbakia

- o 915 036 800 (10:00etatik 13:00etara)

SGAE-Korona funtsa eta Maileguen eta likidazio-aurrerapenen lerroa

- o mjaspiazu@sgae.es ; ggarcia@sgae.es (SGAErekin harremanetan jartzeko Euskadin)
- o prestamosemergencia@sgae.es (kontaktu orokorra)

Gizarte-larrialdietarako laguntzak

- o emergenciasocial@sgae.es

Laguntza publikoak eskatzeko aholkularitza-zerbitzua

- o autonomos@sgae.es ; pymes@sgae.es ; vulnerables@sgae.es y asalariados@sgae.es

Larrialdiko eta gizarte-arloko beste laguntza batzuk

- Etxez etxeko otordu-zerbitzua bazkide zaharrenentzat (comidas@sgae.es)
- Autoreen arteko elkartasun afektiboko programa (isolamenduak egoera kalteberenean daudenengan eragiten dituen ondorio negatiboak leuntzeko)

Informazio gehiago

http://www.fundacionsgae.org/es-ES/SitePages/Programacion_Noticia.aspx?i=872

https://s3-eu-west-1.amazonaws.com/documentos-sgae/PDF_SGAE_2019/Socios/Area_Social/Ayudas_emergencia_Social_SGAE_2019_normativa.pdf

Laneko osasuna eta segurtasuna



Orokorra



Eusko Jaurlaritza



Ekonomia-arlokoak eta finantza-arlokoak



Orokorra



Estatukoa



Teknologikoak eta digitalak

ACELERA PYME ATARIA

Onuradunak

ETEak eta autonomoak

Neurri mota

ACELERA PYME atarian, **ETEEi eta autonomoei laguntzeko** abiarazten ari diren **neurri guztiak biltzen dira**.

Atariak sektore pribatuarekin elkarlanean jarduten duenez, **erakunde laguntzaileek** ETEEi eta autonomoei eskaintzen dizkieten **baliabideetarako estekak** aurki daitezke, betiere **digitalizazioa eta telelanerako aukerak sustatzeko**.

Informazio orokorra

Acelera Pyme ataria leihatila bakarra da, eta sektore pribatuarekin elkarlanean jarduten duenez, **erakunde laguntzaileek** ETEEi eta autonomoei eskaintzen dizkieten baliabideetarako estekak aurki daitezke, betiere digitalizazioa eta telelanerako aukerak sustatzeko.

Acelera atarian, **finantzabideak** eta laguntza ekonomikoa, **aukera teknologikoak**, **aholkularitza**, gaur egungo testuinguruan aintzat hartu beharreko zibersegurtasun-arloko gomendioak eta ETEetan eta autonomoengan talentua sustatzeko jarduketak aurki ditzakete ETEek eta autonomoek.

Honako hauek biltzen ditu:

- **Informazio eguneratua** COVID-19ari aurre egiteko esanbidez mobilizatutako diru-kopuru eta neurri berriei buruz. Lehendik eskuragarri zeudenak biltzen dira, eta datozen asteotan abiaraziko direnak ere arian-arian txertatuko dira.
- Une hauetan ETEentzat eta autonomoentzat bereziki baliagarriak izan daitezkeen **aukeren, zerbitzuen eta tresnen bilduma**, sektore publikotik nahiz pribatutik eskaintzen direnak.

Informazio gehiago

<https://acelerapyme.gob.es/mas-informacion>



Orokorra



Beste batzuk



Beste batzuk

Elektrizitatearen hornidurako neurriak enpresetarako

Elektrizitatea banatzen duten enpresek, hau da, Iberdrola, Endesa, Naturgy eta EDP enpresek zera erabaki dute, **enpresek kontratatutako potentzia elektrikoa murriztu ahal izango dutela alarma-egoerak irauten duen bitartean.**

Hartara, jarduera geldituta edo murriztuta duten enpresek elektrizitatearen faktura murriztu ahal izango dute potentziaren terminoaren bitartez, horixe baita enpresetako elektrizitatearen ordainagirietako kostu handienetako bat.

Araudiaren arabera, energia-hornidurako enpresek potentzia gutxitzeko edo handitzeko aukera ematen dute, baina urtean behin baino ez. Une honetan, konpainiak izapidetze-prozesua prestatzen ari dira eta, aurreikusten dutenez, neurria eraginkorra izan dadin, **enpresak potentzia doitzeko bi eskaera-orri sinatu beharko ditu:**

- Bata potentzien jaitsierarekin.

- Eta bestea gaur egungo potentziekin, izapidetze-datarik gabe; orri hori merkaturatzailera igorri beharko da enpresak negozioa berriz zabaltzeko asmoa duenean.

Kontuan izan behar da doikuntzak agian ez direla berehala aplikatuko. Hortaz, jarduerari berriz ekingo zaiola jakitean, ahalik eta aurrerapen handienarekin bidaltzea gomendatzen da; gutxienez, 48 ordu lehenago.

Iturria: Tecnocampus fitxa

**Gida honetako edukiak ezin dira, inola ere, indarrean dagoen legetestua-
ren ordezkotzat hartu. Informazioa emateko soilik egin da. Kultura eta
Hizkuntza Politika Sailak eguneratu eta zuzentzeko eskubidea du, eta ez du
horren inguruko erantzukizunik hartuko bere gain.**

Informazio gehiago

Webgunea: <http://www.kulturklik.euskadi.eus/aholkularitza/>

Euskadi, bien común

